

Feih Va'ngaeux Homfwdfwd

荷 香 远 溢

Ndit ndatfwdfwd cik dwk daih-deih, daemz ngaeux caemrwg mizseiz cienz daeuj geij sing goep hemq, sing "bumlum" ndeu dwk byoengq cungj caemrwd neix, naed ceh ndeu doek roengz daemz bae, caem roengz naezngawh bae.

De dwg ceh va'ngaeux—cehngaex. De deng limqva gyaendei humxdawz gvaq, moix ngoenz gwn gij raemxgiengh raemxraiz oemq baenz haenx, angqoux geu ndit daih'it gyanghaet, lumj gunghcuj iq youq giz sang, naengh youq gwnz dieгнаengh dijbaui va'ngaeux de.

Hoeng de seizneix, lumj daj dat sangswd doek roengz daej daemz laeprau haeunaeh nei. De cugcak sawq fouz hwnj naj raemx, hoeng naezngawh niunwk lumj baenz gaiq baenz gaiq fwngz ndaemyamq nei aeu

de daj gwnz diendanz rag roengz lajaem bae.

Daej daemz maj rim go mez, gyoengqde cungj riu de: "Suenq luba! Mwnz mbouj ok ndaej bae law, mwnz couh lumj dou nei cwxcaih onjdangq ninz youq gizneix ba."

"Mbouj, gou dwg cehngaex, dwg va'ngaeux, dwg va couh yaek didngaz!" De roengzrengz caenx ok naeng heu swheij, iet ok geij diuz rag iq, dwgrengz cab roengz naez bae.

Daj ngoenzde hwnj, de itmienh damsim supaeu moix di yingzyangj henz ndang, itmienh iet ok engq lai rag iq cab roengz naez giz engq gya bae. Couh yienghneix, naed cehngaex mbouj haeuj da ndeu couh hainduj menhmenh majhung lo.

Gij ronghsag miznaj doenghbaez

gaenq gvaqbae lo, diuz loh seizneix yienznaeuz dwgrengz, hoeng de gien-saenq, miz ngoenz ndeu, de itdingh ndaej dauq raen daengngoenz. De ndonj aen gyaenq, moix ngoenz mbouj dingz maj coh gwnz. Menhmenh dwk, de gaenq maj baenz diuz ganj maenghcanq ndeu, roxnyinh dingj gyaenq yied daeuj yied rongh, yienghneix, de iet ok mbaw oiq ndeu, cungjsuenq ndonj ok naj raemx lo.

De angq dwk naeuz: "Ndei lai lo, gou gaenq okdaeuj lo, itdingh hai ok va daeuj."

Go mez laj din ciuqyiengh mbouj yienghneix yawj: "Hw! Mboujgvaq dwg mbaw oiq ndeu, dwg dingj mbouj ndaej rumz ci fwn rwd bw."

De dingq le, cij dwg dinghdingh baenq aen ndang, roengzrengz iet mbaw oiq de. Mbaw oiq supaeu ndit



gaeuqgaeuq bae, ciepsouh rumz ci fwn rwd.

Youq ngoenz gyanghaet ndit ronghsagsag ndeu, aen valup nem rim raemxraiz ndeu menhmenh hai ok. Raq rumz iq ndeu ci gvaq, de yaengyaeng bidoengh, byoq ok baenz raq baenz raq feihhom. Naj coh daengngoenz, de loh'ok riunyumj lumj gunghcuj nei hawj vunz haeujmaez.

(Huzbwz Swngj Vujhan Si Cangzcingh Daih'it Yozyau roek nienzgaep Sunh Gingjvwnz)



Gou Miz Aen Ranz Vuenyungz Ndeu

我有一个幸福的家

Gou miz aen ranz vuenyungz ndeu, ndaw ranz miz daxboh, daxmeh caeuq gou, dou aen ranz sam vunz neix gvaq dwk saedcej vuenyungz.

Daxboh youq gihgvanh danhvei hwnj-ban, de moix haet hwnq ndaej gig caeux, aeu ndaw ranz sousib ndaej seuqsaksak. Lij gingciengz ciepsoungq gou baehag, vih gou cw fwn dangj rumz, mbouj hawj gou deng fwn rwd rumz ci.

Daxmeh dwg boux lauxsae siujyoz ndeu, banngoenz hawj daeggo dahcej hwnjdangz, banhaemh lij sij gyauan, gaij cozyez, hong de gig sinhoj, lij vih dou guh haeuxbyaek ndeigwn, bouj yingzyangj hawj gou, sawj gou ndangcangq majhung.

Daxboh daxmeh gamjcingz gig ndei, mbouj baenzlawz doxceng, saekseiz hix miz yigen mbouj doengz, cijaeu gou gangj aen vahriu ndeu, gij cenglnh gyoengqde couh dingz roengzdaeuj, sikhaek couh riuhaha.

Gou gyaenz aen ranz raeujrub vuenyungz neix, hawj gyaenz ciengxlwenx youq ranz gou.

(it nienzgaep Biuz Yisenh)

Ranz Miz "Mbouj Fugheiq"

家有“不服气”

De dwg boux "mbouj fugheiq" ndeu, cijaeu bouxwnq naeuz de, de mboujdwg "hw" sing ndeu baenq gyaenq gvaqbae, mbouj han vunz, couhdwg mbouj guhsing, ndawsim gig mbouj fugheiq.

Miz ngoenz ndeu, de cingq naengh youq ndaw rug yawjsaw, daxmeh byaij haeujdaeuj, yawjraen naj de liz saw gyawj lai, couh bek aen mbaq de, naeuz: "Gaej liz saw gyawj lai, lwgda aiq vaih bw." De doiq neix gig mbouj fugheiq, ndawsim siengj: "Gou baengh maz dingq mwnz? Gou liz saw baenzneix gyawj, mbouj dwg mbouj miz maz yingyangj ma!"

Banringz, de cingq sij cozyez, daxboh menhywdywd byaij haeujdaeuj, yawjyawj gaiq bit ndaw fwngz de, ngauzngauz gyaenq, naeuz: "Bit gaej gaem baenz dinj, fwngz yaek liz bakbit conq ndeu!" Gangj sat, youh menhywdywd byaij ok rug bae. De mbwnj aen bak: Gijmaz ha? Gou baenzneix gaem bit cij dwg cieq cwxcaih, sij ok gij cih haenx hix gig ndei yawj ha!

Banhaemh, de ninz youq gwnz mbonq yawjsaw, daegnuengx raen le, couh buet gvaqdaeuj naeuz: "Dahcej, daxmeh naeuz gvaq, mbouj ndaej ninz dwk yawjsaw bw!" Gangj sat, de couh bae guhcaemz lo. De saepsangsang "hw" sing ndeu coh daegnuengx: Lwngyez guenj maz saeh lo, guhcaemz mwnz bae!

Ngoenz ndeu, de cingq yawj bonj cazci ndeu, sawqmwh, de roxnyinh baihnaj miz di mong,



raeblaeng hix miz di naet. Doeklaeng, de bae genjcaz aen da de, raen lwgda ginsi youh gyaenq lo. De fwt rox lo: Laxlawz vunz ndaw ranz daezsingj de dwg deng bw, yienghneix, de couh aeu sibgveng mbouj ndei baenz yiengh baenz yiengh gaij gvaqdaeuj.

"Mbouj fugheiq" aiq dwg gou, hix aiq dwg mwnz. Yienznaeuz raeuz moix boux vunz cungj miz mwh mbouj fugheiq, hoeng raeuz itdingh hag rox duengdingh, fazyangz gij ndei, roengzrengz gaij gij yaez bae, yienghneix cij ndaej sawj swheij engqgya maenhndei!

(Suhcouh Si Gauhsinh Gih Swhsanh Sizyen Siujyoz Vangh Hihdingz)

Seizcin

春天

Rumz buet ndaej baegfofo
Daeuj lwnh daihgya siusik ndei
Seizcin daeuj lo, seizcin daeuj lo

Dujva ndwn youq gwnz nye faex
Yawj mbouj raen seizcin
Couh ndiengq din hwnj, ra seizcin
Seizcin, youq gizlawz
Seizcin youq gizlawz

Va, mboujrox swheij couhdwg
Seizcin

(Se Vujcangh)